

¿Cáiná níái ESTÁNDARES NÁICA y por qué son tan IMPORTANTES?



Níacata tàacáisinái cachàiniyéi namàniyéica yéewacaténá wáaliacawa báisicaalí proyecto imànica càide iyúwa náimaná, báisicaalí nacùaca macáita yái wawàsi iyéerica èeri iricu, nayúdacaalí nacái níái comunidad mìnanaíca.

Wía REDD+Mataven idéca namàacaca nalí wawàsi nàyacaténá 30 camuipiná idécuni, natàacái icháini iyú níái áibanái cáli mìnanaí néeseyéica íipidenéeyéica Verra:

1. Báawéeri cáuli idéeri iicácawa (VCS)
2. (Úléeri, cáuli, ùunia), Comunidad mìnanaí, náiwitáná imanùbaca nacái níái cáuyéica.
3. Níaca iwàwacutéyeyi naicáca mamáalàacata níái, SDVISTA yéewacaténá cawènica nía.

Nía tàacáisinái cachàiniyéica idéyeyi macái èeri mìnanaí yáaliacawa ìwali cayábanáca nía, náibáidanáca nacái áibanái ipíchalé.

ESTÁNDAR VCS



Níacata tàacáisinái cachàiniyéi imàaquéeyéica abéeri proyecto íibáidaca, báisicaalí àchumaca imànica yàacawa yái cáuli báawéerica, (GEI), iyúdacaténá nacái càmita ùlèe mání chái èeri iricu.

ESTÁNDAR CCB



Níacata tàacáisinái cachàiniyéi imàaquéeyéica proyecto icùaca wawàsi, cayábacaténá nacái yàacawa.

- Úléeri, Cáuli, unia: Càmicaténá nàniisawa mání níái cáuli báawéeyéica GEI, yá nacái iyúdaca càmita ùlèe mání chái èeri iricu.
- Comunidanái: Iyúdaca nacái cayábaca comunidad mìnanaí yàasu wawàsi, càmicaténá mání cáuláicaca nía, néenibenái yéewàidacaténáwa, nadèniacaténá nacái plata, nàcatáná nacái íimiétacaná yái náiwitáise iicacánáwaca nàyaca, cachainicatená nacái náiwitáise ìwali yái nàchùllanápíná nàasu cáli icáuwa.

ESTÁNDAR SDVista



Yái estándar Impacto Verificado de Desarrollo Sostenible (gringonái itàacái iyú, SDVISTA), níacata tàacáisinái cachàiniyéi iiquéeyéica abéeri proyecto ìwali báisicaalí imànica càide iyúwa iwàwacutaná imànicawa, (ODS); nayúdacaalí nachùuniaca nàasu wawàsiwa níái wenàiwicaca, macáita nacái yái èerica.

ALÉNÁPINÁ WÀANÀA IYÚ YÁI IDÉNÁCA WADÈNÌACA WALÍWA WAWÀSI ABÉMÁIDATA (ODS)

Yácata wáibáidacaalí yái cawèniiri wadènièrica siùcata, (iyúwa macáita níái wawàsinái wadènièyéica watesèebàawa, palata, nía nacái níái wataàniyéica iricubà, áibanái wawàsinái wadènièyéica) quéwa wáibáideyeyi iyú cayába, yéewacaténá wéenibenái, wàtaquénái nacái nàyaca cayába. Íimaná nacái:

Cayábacaalí wàasu wawàsi yàacawa, yá yácata íbaluériwa walí abécátáita, ìwalíse yéewa wacùaca níái iyéeyéica watesèebàa, wayúdacaténá wenàiwicanái, yéewacaténá nacái cayábaca yàacawa yái wàpalatanica, yéewacaténá wàyaca cayába macáita, siúcái, wàpíchaléwa nacái.

Iwàwacutá wacùaca níái iyéeyéica watéesebàa



Wacùacaténá n+iái iyéeyéica watéesebàa, ànalimanái, úninái, cuwèsinái nacái.

Wamànicaténá cayábéeri áibanái irí



Yéewacaténá wamàaca macái wenàiwicanái idèniaca wawàsi abédanamata, nàcaténá nacái íimiétacaná yái iyúwa iicacánáwa nàyaca.

Yéewacaténá manuí quéwanáta yái palataca



Iwàwacutá wàdabáidaca íibáidacalési, yá nacái iwàwacutá cayábaca yàacawa abémáidata yái wáibáidacalé iwènica, yéewacaténá wayúdaca macáita, yá nacái càmita báawa wamànica quirinama níái iyéeyéica watesèebàa.

Yái SDVISTA, 17 nàmanùbaca níái iwàwéeyéica imànica, ONU idabáideyéica camuí 2015 néenibàa. Nawàwaca namáalàaidaca yái wàtùlecanáca, wacùacaténá yái èerica, yéewacaténá macái wenàiwica idèniaca nacái nalíwa wawàsi idècunitaca nàyaca.



Los estándares son muy importantes porque:

- ✓ **Manuicáiná iwàwa iwéré:** Yácináta icàlidéeri proyecto ìwali báisícata asàica yàacawa yái íibáidéerica iyaca.
- ✓ **Yácata palata yàanàaca ìwalíse:** Wàa cayábéeri irí yái icàlidéerica cayába proyecto yàacawa, yái proyectoca iwacáidaca níái cáuli báawéeyéica, imàacacaténá wacùaca mamáalàacata níái ànalimanáica, úninái, cuwèesinái, àicunái, wenàiwicanái nacái iyéeyéica néenibàa.
- ✓ **Yasàidaca cayábaca wawàsi yàacawa:** Yasàidaca càmita proyecto imàaca cáuli báawéeyeyi ìniisàacawa quirinama, yá nacái iyúdaca única, cáuli, ùléeri yàasu wawàsi, macáita níái cuwèsinái cáuyéica, nía nacái comunidad mìnanaíca.
- ✓ **Imàacáiná palata iyaca:** Proyecto imàacaca cáulinái báawéeyeyi cayábaca naicáca nía, namàacacaténá manuica nèedáca nàwalíse palata.

